

Ժողովուրդ

9 մայիսի շաբաթ 2026
տպագրության ԺԵ տարի

57
(3266)

✉ ք. Երևան, Արվյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ԷԳՄՈՆ ՄԱՐՈՒՔՅԱՆԻ ՈՒՆԵՑՎԱԾՔԸ



2026 թվականի հունիսի 7-ին կայանալիք Ազգային ժողովի ընտրություններին ընդառաջ՝ քաղաքական ուժերը հերթով ներկայացնում են իրենց նախընտրական ցուցակները, իսկ հանրության ուշադրության կենտրոնում արդեն ոչ միայն անուններն են, այլև այդ անունների անցած ճանապարհն ու կուտակած կարողությունը: «Ժողովուրդ» օրաթերթը շարունակում է ներկայացնել առաջադրված 19 կուսակցությունների և դաշինքների առաջնորդներին՝ նրանց կենսագրությունն ու ունեցվածքը:

Այս անգամ ներկայացնում ենք «Լուսավոր Չայաստան» կուսակցությանը, որի ընտրացուցակը գլխավորում է կուսակցության նախագահ Էդմոն Մարուքյանը՝ ընտրություններին մասնակցելով 19 համարի ներքո:

Էդմոն Մարուքյանի հայտարարագրի համաձայն՝ նա ունի ընդհանուր 7 միավոր անշարժ գույք, որոնք ներառում են բնակարաններ Երևանում և Վանաձորում, ավտոտնակներ, ավտոկայանատեղիներ և ոչ բնակելի տարածքներ: Անշարժ գույքի մի մասը ձեռք է բերվել գնման եղանակով, իսկ մի մասը՝ նվիրատվությամբ:

Տրանսպորտային միջոցներից Մարուքյանը տվյալ տարվա սկզբում ունեցել է 2013 թվականի արտադրության TOYOTA մակնիշի ավտոմեքենա, որը վաճառվել է 5,200,000 դրամով: 2024 թվականին նա ձեռք է բերել նոր TOYOTA մակնիշի ավտոմեքենա՝ 12,000,000 դրամ արժողությամբ:

Բանկային հաշիվներում առկա են հետևյալ միջոցները՝ 22,033,762.40 դրամ, 2,643.75 եվրո և 1,380 ԱՄՆ դոլար: Կանխիկ դրամական միջոցները կազմում են 2,000,000 դրամ: Ստացված վարկերի և փոխառությունների մայր գումարի մնացորդը հաշվետու տարվա վերջում կազմել է 19,930,682.1 դրամ: Հաշվետու տարվա եկամուտները կազմել են 2,904,578 դրամ:

→ էջ 3

Մայիսի 8-ին մեկնարկեց նախընտրական քարոզարշավը: 19 քաղաքական ուժ մասնակցելու է հունիսի 7-ին տեղի ունենալիք համապետական ընտրություններին՝ հանրությանն առաջարկելով իրենց գաղափարներն ու քաղաքական ծրագրերը: ArmLur.am-ը ներկայացնում է, թե որ ուժը որտեղից է ինչպես է մեկնարկելու իր քարոզարշավը: «Քաղաքացիական պայմանագիր»-ն իր քարոզարշավը սկսելու է հանրապետության հարավից՝ Սյունիքի մարզից, «Ուժեղ Չայաստան»-ը՝ ՀՀ ԱԺ դիմացից՝ Նարեկ Կարապետյանի ասուլիսով, «Չայաստան» դաշինքն իր քարոզարշավը մեկնարկելու է համայն հայության հոգեւոր կենտրոնից՝ Էջմիածնից: «Միասնության թեւեր»-ն սկսում է իր քարոզարշավը Իջևանի Գոշավանք վանական համալիրից: ՀԱԿ-ից ArmLur.am-ին տեղեկացրին, որ, ըստ էության, արդեն սկսված է քարոզարշավը: «ՀԱԿ-ը մայիսի 7-ին ավելի քան երկու ժամ քննարկումից հետո ընդունել է ապա ներկայացրել է իր նախընտրական ծրագիրը: Մայիսի 9-ին ՀԱԿ-ի անդամներն այցելելու են «Հաղթանակ»-ի գլխավոր հարգանքի տուրք մատուցելու հաղթանակները կերտած հերոսների հիշատակին», -փոխանցեցին մեզ ՀԱԿ-ից:

Շարունակությունը՝ ArmLur.am կայքում



Ազգային ժողովի «Քաղաքացիական պայմանագիր» խմբակցության պատգամավոր Համիկ Հակոբյանը «Հետք»-ի հետ զրույցում հայտարարել էր, թե ցորենը Չայաստան է ներկրվում «ուղիղ Ադրբեջանից»: Ավելին՝ լրագրողի ճշտող հարցից հետո, երբ նշվել էր, որ խոսքը Վրաստանի տարածքով տարանցման մասին է, պատգամավորը կրկին պնդել էր՝ ոչ, «ուղիղ Ադրբեջանից» ենք ցորեն ներկրում, ապաշրջափակումը հենց դա է: Սակայն «Ժողովուրդ» օրաթերթի հարցմանն ի պատասխան՝ Պետական եկամուտների կոմիտեի տրամադրած պաշտոնական տվյալները միանգամայն այլ պատկեր են ցույց տալիս: ՊԵԿ-ը հայտնել է, որ 2024 թվականի հունվարի 1-ից մինչև 2026 թվականի մայիսի 4-ը Չայաստանի Հանրապետություն ներմուծված ԱՏԳ ԱԱ 1001 ծածկագրով ցորենի վերաբերյալ տվյալները կազմվել են ապրանքների հայտարարագրերի, ինչպես նաև տնտեսվարող սուբյեկտների կողմից ներկայացված վիճակագրական ձեռքի հիման վրա: Այդ տվյալներով՝ նշված ժամանակահատվածում ցորենի ներմուծման արդյունավետ Ադրբեջանը չի նշվում ոչ որպես արտահանող երկիր, ոչ որպես ծագման երկիր:

Մանրամասները՝ ArmLur.am կայքում



Մինչ Շիրակի մարզը շարունակում է մնալ Չայաստանի ամենաաղքատ մարզերից մեկը, ԿԳՄՍ նախարարությունը հարյուր միլիոնավոր դրամներ է ուղղել մեկ համերգային ծրագրի կազմակերպմանը՝ Կառավարության պատվիրակմամբ: «Ժողովուրդ» օրաթերթի ուսումնասիրությունը ցույց է տալիս, որ միայն «Գրավիթի Փրոդաքշն» ՍՊԸ-ն ստացել է 242 միլիոն 134 հազար դրամ դրամաշնորհի, իսկ ֆինանսական հաշվետվության փաստաթուղթը հրապարակված է դատարկ՝ չլրացված վիճակում: Եւ սա դեռ ամբողջը չէ: Կառավարության որոշմամբ նախատեսվել էր 2026 թվականի պետական բյուջեի վերաբաշխման միջոցով շուրջ 393 միլիոն դրամ հատկացնել ԿԳՄՍ նախարարությանը՝ համերգի կազմակերպման ծախսերը հոգալու համար: «Ժողովուրդ» օրաթերթը ուսումնասիրել է ՀՀ կրթության, գիտության, մշակույթի և սպորտի նախարարության պաշտոնական հրապարակումները և արձանագրել հերթական աղվակահարույց ֆինանսական պատկերը: Պարզվում է՝ ԿԳՄՍ նախարարությունը «Գրավիթի Փրոդաքշն» ՍՊԸ-ին տրամադրել է 242 միլիոն 134 հազար դրամ դրամաշնորհ: Այս գումարը ներկայիս փոխարժեքով կազմում է մոտ 620 հազար դոլար: Սակայն ամենաուշագրավը ոչ միայն գումարի չափն է, այլև այն, որ հրապարակված ֆինանսական հաշվետվության փաստաթուղթը, ըստ էության, դատարկ է՝ առանց բովանդակային լրացման:

Շարունակությունը՝ ArmLur.am կայքում



ՀԱՐՑԱԳՐՈՒՅՑ

«ՄԵՐ ՆՊԱՏԱԿԸ ԸՆՏ ՀՄՏԱԿ Է»

ArmLur.am-ը գրուցել է «Հայափն» ազգային-ֆաղափարական միավորման համակարգող Ավետիս Զալաբյանի հետ:

- Պարոն Զալաբյան, մեկնարկեց քարոզարշավը, եւ «Ուժեղ Հայաստանը» որոշեց այն սկսել ասուլիսով: Դուք եւս այստեղ եք, ինչպես նաեւ «Հայաքվեի» անդամները: Ի՞նչ աջակցություն եք հայտնում «Ուժեղ Հայաստանին»:

- Եթե հիշում եք, ապրիլի 29-ին «Ուժեղ Հայաստանի» հետ ստորագրեցինք համագործակցության հուշագիր, որով պատրաստակամություն հայտնեցինք մեր քարոզչական եւ կազմակերպչական ռեսուրսները օգտագործել այս քարոզարշավում ի աջակցություն «Ուժեղ Հայաստանին»: Մեր նպատակը շատ հստակ է՝ հասնել երկրում իշխանափոխության եւ թույլ չտալ, որպեսզի գործող, մեր գնահատմամբ, թրջամետ վարչախումբը վերարտադրի ընտրությունների միջոցով: Դրա փոխարեն ցանկանում ենք, ի վերջո, Հայաստանում ձեւավորել ազգային իշխանություն: Այս նպատակով մենք մեր ունեցած թե՛ քարոզչական, թե՛ կազմակերպչական ռեսուրսները կներդնենք քարոզարշավում:

- Ինչպե՞ս եք գնահատում «Ուժեղ Հայաստանի» հնարավորությունները:

- Գիտեք, մի փոքր տեխնիկական հարց էք տալիս, բայց ակնհայտ է հետեւյալը. ընդդիմադիր դաշտում «Ուժեղ Հայաստանը» այսօր հանդիսանում է առաջատար ուժերից մեկը: Ցանկացած սոցիոլոգիական հարցում այդ պատկերն է ցույց տալիս: Ուստի մեր նպատակն է, որ մեր մասնակցությամբ «Ուժեղ Հայաստանի» առաջատար դիրքերն էլ ավելի ամրակարգվեն: Մենք ցանկանում ենք, որ այս քաղաքական ուժը ոչ միայն հանրային կարծիքի առաջատար լինի, այլև ընտ-



րություններում հնարավորինս շատ ձայներ հավաքել մինչեւ այն մակարդակը, որը հնարավորություն կտա ձեւավորել ազգային իշխանություն:

- Պարոն Զալաբյան, մինչ այս դուք համագործակցում էիք նաեւ «Միասնության թեւերի» հետ, սակայն կարճ ժամանակ անց այդ համագործակցությունը դադարեցվեց: Ի՞նչն էր պատճառը՝ անձնական ամբիջիաներ, թե՛ գաղափարական հակասություններ:

- Մենք «Միասնության թեւերին» երբեւէ չենք միացել: Մենք նրանց հետ ստորագրել էինք համագործակցության հուշագիր, որի շրջանակում պատրաստակամություն էինք հայտնել միավորել ուժերը եւ հանդես գալ միասին: Սակայն, երբ հասանք այն փուլին, որտեղ պետք է պայմանավորվեինք՝ ինչպես են միավորվում ուժերը, ինչպես է ձեւավորվում ընդհանուր ծրագիրը, ինչպես են բաշխվում դերերը եւ այլն, չկարողացանք համաձայնության

գալ: Գործընկերների հետ պայմանավորվել ենք այդ պատճառների մասին հրապարակային չհոսել, բայց կարող եմ ասել, որ բաժանվել ենք շատ քաղաքակիրթ եւ փոխադարձ հարգանքով: Պետք է հասկանալ նաեւ, որ «Միասնության թեւերի» հետ ստորագրված համագործակցության հուշագիրը եւ այն հուշագիրը, որը հիմա ստորագրել ենք «Ուժեղ Հայաստանի» հետ, տարբեր բնույթ ունեն:

Այն դեպքում խոսքը միասնական քաղաքական ուժ ձեւավորելու մասին էր, իսկ այս դեպքում արդեն ձեւավորված քաղաքական ուժին մենք տրամադրում ենք մեր աջակցությունը: Մենք այդ դաշինքի անդամ չենք, այլ աջակցող կողմ: Տարբերությունն էական է, որովհետեւ առաջին դեպքում պատասխանատվության մակարդակն ամբողջովին կիսվում էր, իսկ այստեղ մենք հանդես ենք գալիս որպես աջակից:

Ջրուցեց ՆԱՆԿ ԿՐԱՍՅԱՆԸ

ՔԱՂԱՔԱԿԱՆ ՕՐԱԿԱՐԳ

ԱՐՏԱՐԵՐԹ ՆԻՍՏ Է ՀՐԱՎԻՐԵԼ

ArmLur.am-ը տեղեկացավ, որ մայիսի 11-ին՝ ժամը 11:00-ին, Ազգային ժողովը արտահերթ նիստ է հրավիրել:

Նիստը հրավիրել է ԱԺ ԲԳ խմբակցությունը, որի կազմակերպչական հարցերով զբաղվել է ԱԺ ԲԳ-ական Ծովինար Վարդանյանը: Մենք տեղեկացանք, որ մի շարք օրենքի նախագծերի փաթեթներ են քննարկվելու եւ ընդունվելու: Եւ այսպես՝

1) «Բաժնետիրական ընկերությունների մասին» օրենքում փոփոխություն եւ լրացումներ կատարելու մասին» օրենքի նախագիծ,

2) «Հայաստանի Հանրապետության քրեական օրենսգրքում փոփոխություններ եւ լրացումներ կատարելու մասին» օրենքի նախագիծ,

3) «Դիվանագիտական ծառայության մասին» օրենքում փոփոխություն կատարելու մասին», «Հանրային ծառայության մասին» օրենքում լրացում եւ փոփոխություն կատարելու մասին», «Պետական պաշտոններ եւ պետական ծառայության պաշտոններ զբաղեցնող անձանց վարձատրության մասին» օրենքում փոփոխություններ եւ լրացում կատարելու մասին» օրենքների,

4) «Էներգետիկայի մասին» օրենքում լրացումներ եւ փոփոխություններ կատարելու մասին», «Լիցենզավորման մասին» օրենքում լրացում կատարելու մասին», «Պետական տուրքի մասին» օրենքում լրացում կատարելու մասին»,

5) «Անձը հաստատող փաստաթղթի մասին», «Փախստականների եւ ապաստանի մասին» օրենքում փոփոխություններ կատարելու մասին», «Դիվանագիտական ծառայության մասին» օրենքում լրացում եւ փոփոխություն կատարելու մասին», «Օտարերկրացիների մասին» օրենքում փոփոխություններ եւ լրացումներ կատարելու մասին» օրենքում փոփոխություններ եւ լրացումներ կատարելու մասին», «Պետական տուրքի մասին» օրենքում փոփոխություններ եւ լրացումներ կատարելու մասին», «Պետական տուրքի մասին» օրենքում փոփոխություններ եւ լրացումներ կատարելու մասին», «Պետական տուրքի մասին» օրենքում փոփոխություններ եւ լրացումներ կատարելու մասին», «Պետական տուրքի մասին» օրենքում փոփոխություններ եւ լրացումներ կատարելու մասին» օրենքների նախագծերի փաթեթ:

ՄՆԱ ԳՐԻԳՈՐՅԱՆ

ՎԱՐԺԱՆՔՆԵՐ

Մինչ Նիկոլ Փաշինյանի իշխանությունը ամիսներ շարունակ հանրությանը համոզում է «խաղաղության դարաշրջանի» մեկնարկի մասին, Գեղարքունիքի մարզում արդեն կազմակերպվում են «ազդարարում, տարահանում եւ պատսպարում» թեմայով գործնական վարժանքներ:

ArmLur.am-ը Վարդենիսի համայնքապետարանից տեղեկացավ, որ մայիսի 8-ին ՀՀ Գեղարքունիքի մարզի Ակունք բնակավայրում անցկացվում են «Տարածաշրջանին բնորոշ արտակարգ իրավիճակները, կանխարգելումը եւ քաղաքացիական պաշտպանության հիմնահարցերը» թեմայով գրուց-քննարկում, ինչպես նաեւ «ազդարարում, տարահանում եւ պատսպարում» թեմայով գործնական վարժանք: Թեեւ պաշտոնական ձեւակերպումներով սա ներկայացվում է որպես քաղաքացիական պաշտպանության ուղղված հերթական միջոցառում, այն ամեն դեպքում հարցեր է առաջացնում Նիկոլ Փաշինյանի իշխանության վարած քաղաքականության ֆոնին: Եթե «խաղաղության դարաշրջան» անխուսափելի է, մարզերում ինչու են կազմակերպվում տարահանման եւ պատսպարման գործնական վարժանքներ:

Հատկապես սահմանամերձ Գեղարքունիքում նման միջոցառումները դժվար է ընկալել որպես պարզապես «պլանային ուսուցում»: Տեղացիների համար դրանք հիշեցում են, որ անվտանգության սպառնալիքները ոչ միայն չեն վերացել, այլև շարունակվում են մնալ օրակարգում անկախ իշխանության հնչեցրած լավատեսական հայտարարություններից:

ArmLur.am-ը հիշեցնում է, որ տարածաշրջանի 3200 հեկտար հողերը 2021-ի մայիսից շարունակվում են օկուպացված մնալ Ադրբեյջանի կողմից: Իշխանության հաղորդած «խաղաղության» ուղերձների եւ իրական անվտանգային քայլերի միջեւ առկա հակասությունը հերթական անգամ ցույց է տալիս, որ կառավարությունն ինքն էլ լիարժեք չի հավատում տարածաշրջանային կայունության վերաբերյալ սեփական հայտարարություններին:



11 ՀՄԳՈՐԳԱԳՐՈՒԹՅՈՒՆ

ՀՀ հակակոռուպցիոն կոմիտեի պաշտոնական կայքի ուսումնասիրությունը ուշագրավ պատկեր է բացահայտում. ArmLur.am-ը նկատեց, որ վերջին 22 օրերի ընթացքում կառույցի հրապարակած 18 հաղորդագրություններից 11-ը վերաբերում են բացառապես «Ուժեղ Հայաստան» կուսակցության եւ նրա գրասենյակների կողմից ենթադրյալ ընտրակաշառքների գործերին: ArmLur.am-ը ուսումնասիրել է ՀՀ հակակոռուպցիոն կոմիտեի պաշտոնական կայքում ապրիլի 15-ից մինչ օրս հրապարակված նորություն-հաղորդագրությունները եւ արձանագրել ուշագրավ անհամաչափություն: Ընդամենը 22 օրում կառույցը հրապարակել է 18 պաշտոնական հաղորդագրություն, որոնցից 11-ը վերաբերում են ընդդիմադիր ֆավորիտ համարվող «Ուժեղ Հայաստան» կուսակցության ներկայացուցիչների կամ նրանց գրասենյակներում ընտրակաշառք բաժանելու ենթադրյալ դեպքերին: Ընդ որում հաղորդագրությունների բովանդակությունն ու պարբերականությունը այնպիսի տպավորություն են ստեղծում, թե կոմիտեի հիմնական եւ գրեթե միակ զբաղվածությունը դարձել է հենց այդ քաղաքական ուժը: Մինչդեռ քաղաքական դաշտում ընտրություններին մասնակցող մյուս 18 ուժերի մասով նույն ժամանակահատվածում որեւէ բացահայտում, քրեական վարույթի ընթացքի մասին հաղորդագրություն կամ ակտիվ գործողության վերաբերյալ տեղեկություն չի հրապարակվել: Սա արդեն պարզապես վիճակագրություն չէ: Սա քաղաքական ենթատեքստ ունեցող պատկեր է: Արդյո՞ք Հակակոռուպցիոն կոմիտեն գործում է որպես անկախ մարմին, թե՛ սաստիճանաբար վերանայում է քաղաքական օրակարգ սպասարկող գործիքի: Ի վերջո, եթե ընտրակաշառքի դեմ պայքարը իրական, անաչառ եւ համատարած է, ապա պաշտոնական լրահոսում միայն մեկ քաղաքական ուժի անուն չպետք է լիներ. քանի որ իշխող ուժը գոնե հրապարակավ ընտրական խոստումներ է շռայլում, աշխատանք ու փող խոստանում գյուղական հանդիպումների ժամանակ, որոնք եւս կարող են դիտարկվել որպես ընտրակաշառք:

11 ՆԱԽԱՐԱՐ

Վարչապետ Նիկոլ Փաշինյանի մայիսի 7-ի որոշմամբ՝ 28 աշխատանքային օրվա կտրվածքով արձակուրդի մեջ կգտնվեն ՀՀ արտաքին գործերի նախարար Արարատ Միրզոյանը, ՀՀ պաշտպանության նախարար Սուրեն Պապիկյանը, ՀՀ առողջապահության նախարար Անահիտ Ավանեսյանը, ՀՀ կրթության, գիտության, մշակույթի եւ սպորտի նախարար Ժաննա Անդրեասյանը, ՀՀ տարածքային կառավարման եւ ենթակառուցվածքների նախարար Դավիթ Խուդաբայանը, ՀՀ էկոնոմիկայի նախարար Գեորգ Պապոյանը, ՀՀ աշխատանքի եւ սոցիալական հարցերի նախարար Արսեն Թորոսյանը, ՀՀ ֆինանսների նախարար Վահե Հովհաննիսյանը, ՀՀ արդարադատության նախարար Սրբուհի Գալսյանը, ՀՀ շրջակա միջավայրի նախարար Համբարձում Մաթեոսյանը, ՀՀ բարձր տեխնոլոգիական արդյունաբերության նախարար Մխիթար Հայրապետյանը, ՀՀ քաղաքաշինության, տեխնիկական եւ հրդեհային անվտանգության տեսչական մարմնի ղեկավար Գարեգին Խաչատրյանը, ՀՀ սննդամթերքի անվտանգության տեսչական մարմնի ղեկավար Տիգրան Պետրոսյանը:

ԻՐԱՎԻՃԱԿ

ԻՆՉ ԿԱՐՈՂՈՒԹՅՈՒՆ ՈՒՆԻ

ԷԴՄՈՆ ՄԱՐՈՒՔՅԱՆԻ ՈՒՆԵՑՎԱԾՔԻ ՈՒ ՔԱՂԱՔԱԿԱՆ ՈՒՂԻՆ



2026 թվականի հունիսի 7-ին կայանալիք Ազգային ժողովի ընտրություններին ընդառաջ՝ ֆաղափական ուժերը հերթով ներկայացնում են իրենց նախընտրական ցուցակները, իսկ հանրության ուսադրության կենտրոնում արդեն ոչ միայն անուններն են, այլև այդ անունների անցած ճանապարհն ու կուսակաժ կարողությունը: «Ժողովուրդ» օրաթերթը շարունակում է ներկայացնել առաջադրված 19 կուսակցությունների եւ դաժիմների առաջնորդներին՝ նրանց կենսագրությունն ու ունեցվածքը:

Այս անգամ ներկայացնում ենք «Լուսավոր Յայաստան» կուսակցությանը, որի ընտրացուցակը գլխավորում է կուսակցության նախագահ Էդմոն Մարուքյանը՝ ընտրություններին մասնակցելով 19 համարի ներքո:

Էդմոն Մարուքյանի ունեցվածքը

Էդմոն Մարուքյանի հայտարարագրի համաձայն՝ նա ունի ընդհանուր 7 միավոր անշարժ գույք, որոնք ներառում են բնակարաններ Երեւանում եւ Վանաձորում, ավտոտնակներ, ավտոկայանատեղիներ եւ ոչ բնակելի տարածքներ: Անշարժ գույքի մի մասը ձեռք է բերվել գնման եղանակով, իսկ մի մասը՝ նվիրատվությամբ:

Տրանսպորտային միջոցներից Մարուքյանը տվյալ տարվա սկզբում ունեցել է 2013 թվականի արտադրության TOYOTA մակնիշի ավտոմեքենա, որը վաճառվել է 5,200,000 դրամով: 2024 թվականին նա ձեռք է բերել նոր TOYOTA մակնիշի ավտոմեքենա՝ 12,000,000 դրամ արժողությամբ:

Բանկային հաշիվներում առկա են հետևյալ միջոցները՝ 22,033,762.40 դրամ, 2,643.75 եվրո եւ 1,380 ԱՄՆ դոլար: Կանխիկ դրամական միջոցները կազմում են 2,000,000 դրամ: Ստացված վարկերի եւ փոխառությունների մայր գումարի մատուցողը հաշվետու տարվա վերջում կազմել է 19,930,682.1 դրամ: Հաշվետու տարվա եկամուտները կազմել են 2,904,578 դրամ:

Անցած ուղին

Էդմոն Մարուքյանը ծնվել է 1981 թվականի հունվարի 13-ին Վանաձորում: 2002 թվականին ավարտել է Մոսկվայի կոմերցիայի եւ իրավունքի ինստիտուտի իրավագիտության բաժինը, 2006 թվականին՝ Վարշավայի մարդու իրավունքների բարձրագույն դասընթացը, 2007 թվականին՝ ՀՀ պետական կառավարման ակադեմիան, իսկ 2010 թվականին՝ Մինեսոտայի համալսարանի իրավաբանական դպրոցը՝

ՕՐՎԱ ԽՃԱՆԿԱՐ

ԿՈՉ Է ԱՐԵՆ ԸՆԴՎՁԵԼ

Ֆրանսիական «Պատրիոտներ» կուսակցության առաջնորդ Ֆլորիան Ֆիլիպոն կոչոտ հայտարարությամբ է հանդես եկել Ուկրաինային տրամադրվող ֆինանսական աջակցության վերաբերյալ՝ ֆրանսիացիներին կոչ անելով «ընդվզել» այդ քաղաքականության դեմ: X սոցիալական ցանցում հրապարակված գրառման մեջ քաղաքական գործիչը հայտարարել է, թե Ուկրաինայի նախագահ Վլադիմիր Զելենսկին գտնվում է «խոշոր կոռուպցիոն համակարգի կենտրոնում»: Ֆիլիպոյի խոսքով՝ եվրոպական երկրները շարունակում են միլիարդավոր եվրոներ հատկացնել Կիևին, մինչդեռ այդ միջոցները, ըստ նրա, նպաստում են կոռուպցիայի խորացմանը: Նա նշել է, որ վերջերս հաստատվել է եւս 17 միլիարդի ֆինանսավորում, եւ հայտարարել, թե այդ գումարների մի մասը հետագայում վերադառնում է Եվրոպա՝ «ատկաների» տեսքով՝ պատերազմական քաղաքականություն վարող շրջանակներին: Ֆրանսիացի քաղաքական գործիչը նաեւ պնդել է, որ «Բրյուսելի շրջանակները» շահույթ են ստանում Ուկրաինային տրամադրվող օգնությունից: Միաժամանակ նա կրկին քննադատել է Եվրոպայի ներկայիս քաղաքականությունը Ռուսաստանի նկատմամբ: Ավելի վաղ Ռուսաստանի արտգործնախարար Սերգեյ Լավրովը հայտարարել էր, որ Եվրոպայում որոշ քաղաքական ուժեր բացահայտորեն հանդես են գալիս Ռուսաստանի դեմ նոր հակամարտության օգտին:

ստանալով մարդու իրավունքների եւ միջազգային իրավունքի մագիստրոսի աստիճան:

Աշխատանքային գործունեությունը սկսել է 2002-2004 թվականներին՝ որպես «Մեդիա Գրուպ» ՀԿ-ի իրավաբանական բաժնի ղեկավար: 2007-2008 թվականներին դասավանդել է Վանաձորի Հովհաննես Թումանյանի անվան պետական մանկավարժական ինստիտուտում, իսկ 2007-2012 թվականներին եղել է «Պոպուլեքս» ՍՊԸ փաստաբանական գրասենյակի գործընկեր եւ փաստաբան: 2009 թվականին աշխատել է որպես ավագ իրավաբան Լոռու մարզի ՇՊԱԿ-ում: 2008 թվականից ՀՀ փաստաբանների պալատի անդամ է:

2015 թվականին հիմնադրել է «Լուսավոր Յայաստան» կուսակցությունը: 2012-2017 թվականներին եղել է Ազգային ժողովի պատգամավոր, այնուհետեւ 2017-2018 թվականներին՝ կրկին պատգամավոր «Ելք» դաշինքի կազմում: 2018 թվականին ընտրվել է ԱԺ պատգամավոր «Լուսավոր Յայաստան» կուսակցության ցուցակով:

2022 թվականի մարտի 14-ին Նիկոլ Փաշինյանի հրամանով նշանակվել է հատուկ հանձնարարություններով դեսպան, սակայն 2024 թվականի մարտին նա հրաժարական է ներկայացրել՝ նշելով արտաքին քաղաքական մի շարք հարցերի շուրջ կառավարության հետ ունեցած տեսլականների տարբերությունները:

ժարական է ներկայացրել՝ նշելով արտաքին քաղաքական մի շարք հարցերի շուրջ կառավարության հետ ունեցած տեսլականների տարբերությունները:

Հրաժարականից հետո նա ընդգծել է, որ այդ տարածայնությունները անհնարին են դարձրել իր հետագա ներգրավվածությունը արտաքին քաղաքական աշխատանքներում:

Հիշեցնենք, որ Էդմոն Մարուքյանը քաղաքական թիմով՝ իր կուսակցությունով դաշտ է մտել ընդդիմադիր «Ելք» դաշինքի շրջանակում՝ համագործակցելով Լաւե Նիկոլ Փաշինյանի հետ: Սակայն դաշինքի փլուզումից հետո քաղաքական ուղիները բաժանվեցին. Փաշինյանի թիմը ստանձնեց իշխանությունը:

Հետագայում ԶՊ իշխանության օրոք, Մարուքյանը նշանակվեց հատուկ հանձնարարություններով դեսպան, ինչը դիտարկվեց նախկին քաղաքական հակառակորդների միջեւ համագործակցության փուլ: Սակայն այդ համագործակցությունը երկար չտևեց. 2024-ին նա հրաժարական տվեց՝ հայտնելով արտաքին քաղաքական հարցերի շուրջ իշխանության հետ ունեցած սկզբունքային տարածայնությունների մասին:

ՍՄՍԱ ԳՐԻԳՈՐՅԱՆ

ՀՀ ՄԱՐԶՊԵՏԵՐԻՆ ԱՐՉԱԿՈՒԲՊՈՒՄ ԵՆ

Վարչապետ Նիկոլ Փաշինյանի որոշմամբ՝ մայիսի 7-ից ՀՀ մարզպետներին 28 աշխատանքային օրվա կտրվածքով տրամադրվել է չվճարվող արձակուրդ: Մարզպետները կգտնվեն արձակուրդում 2026 թվականի մայիսի 8-27-ը (ներառյալ) եւ մայիսի 29-ից հունիսի 5-ը (ներառյալ) ժամանակահատվածում:

ArmLur.am-ը ներկայացնում է, թե որ մարզպետին ով կփոխարինի այս ժամանակահատվածում: Այսպիսով՝ վարչապետի որոշմամբ արձակուրդ է տրամադրվել ՀՀ Սյունիքի մարզպետ Ռոբերտ Ղահրամանյանին, ում կփոխարինեն ՀՀ Սյունիքի մարզպետի տեղակալներ Հայկ Հարությունյանը եւ Նարե Դազարյանը:

Արձակուրդ է տրամադրվել ՀՀ Արարատի մարզպետ Սեդրակ Թեւոնյանին, ում կփոխարինի ՀՀ Արարատի մարզպետի տեղակալ Արտավազը Մազարեթյանը:

Արձակուրդ է տրամադրվել ՀՀ Արագածոտնի մարզպետ Սերգեյ Մովսիսյանին, ում կփոխարինի ՀՀ Արագածոտնի մարզպետի տեղակալ Արմեն Գրիգորյանը:

Արձակուրդ է տրամադրվել ՀՀ Կոտայքի մարզպետ Ահարոն Սահակյանին, ում կփոխարինի ՀՀ Կոտայքի մարզպետի տեղակալ Վասակ Վարդանյանը:

Արձակուրդ է տրամադրվել ՀՀ Տավուշի մարզպետ Հայկ Ղալումյանին, ում կփոխարինի ՀՀ Տավուշի մարզպետի տեղակալ Նարեկ Ղուշյանը:

Արձակուրդ է տրամադրվել ՀՀ Գեղարքունիքի մարզպետ Կարեն Սարգսյանին, ում կփոխարինի ՀՀ Գեղարքունիքի մարզպետի տեղակալ Զանիկ Բազեյանը:

Արձակուրդ է տրամադրվել ՀՀ Լոռու մարզպետ Արեն Մկրտչյանին, ում կփոխարինի ՀՀ Լոռու մարզպետ Արսեն Ղարիբյանը:

Արձակուրդ է տրամադրվել ՀՀ Շիրակի մարզպետ Դավիթ Առուշանյանին, ում կփոխարինի ՀՀ Շիրակի մարզպետի տեղակալ Ալբերտ Այվազյանը:

Արձակուրդ է տրամադրվել ՀՀ Արմավիրի մարզպետ Վահրամ խաչատրյանին, ում կփոխարինի ՀՀ Արմավիրի մարզպետի տեղակալ Արամ Գրիգորյանը:

Ն. ԱՐԱՍՅԱՆ

ՀՐԱԳԱԳԱՐԻ ՊԱՇՊԱՆՈՒՄ

ԱՄՆ-ի կողմից Իրանի վրա նոր հարվածներից հետո ԱՄՆ նախագահ Դոնալդ Թրամփը պնդում է, որ Իրանը դադարը ուժի մեջ է, հաղորդում է ABC News-ը: «Հրադադարը ուժի մեջ է: Այն ուժի մեջ է», - հայտարարել է ԱՄՆ նախագահը: Ավելի վաղ Fox News-ի լրագրող Զենիֆեր Գրիֆինը իր X օգտահաշվում հայտնել էր, որ ԱՄՆ-ն հարձակվել է Իրանի Քեշմ նավահանգստի եւ Բանդար Աբբաս քաղաքի վրա: Իրանական Mehr News գործակալության հաղորդմամբ՝ Իրանի հակաօդային պաշտպանությունը խոցել է երկու ինքնաթիռ Բանդար Աբբաս քաղաքի եւ Իսլամական Հանրապետության հարավում գտնվող Քեշմ կղզու վրա:

80 ԶՎԵՐԹ ՀԵՏԱԶԳՎԵԼ Է

Ռուսաստանի հարավային օդանավակայաններում գործունեության դադարեցման պատճառով առկա լինելով 14,000 ուղևոր սպասում է թռիչքների, հայտնել է Ռուսաստանի տուրօպերատորների ասոցիացիան (АТОР): Մոսկվայի ժամանակով ժամը 10:00-ի դրությամբ ավելի քան 80 չվերթ արդեն հետաձգվել կամ չեղարկվել է: Իրավիճակն առավել կրիտիկական է Մոսկվայում, որտեղ նոր սահմանափակումները սրել են վերջին երկու օրերի ընթացքում թռիչքների ժամանակացույցի զգալի խափանումները:

Ասոցիացիան հայտարարել է, որ հետաձգված չվերթերի թիվը կաճի առաջիկա ժամերին:

ԻՐԱՎԱԿԱՆ

9 ԱՆՁ ՁԵՐԲԱԿԱԼԿԵԼ Է

ՄՊԱՆՈՒԹՅԱՆ ՆԱԽԱՊԱՏՐԱՍՏՈՒԹՅՈՒՆ

Քրեական ոստիկանության Կոսայի մարզային վարչության ծառայողները ձեռնարկած օդերասիկ-հեռախոսային միջոցառումների արդյունքում փաստական սվյալներ են ձեռք բերել, որ 44-ամյա եւ 36-ամյա եղբայրները, ներգրավելով այլ անձանց, նախադաստանում են 32-ամյա երիտասարդի սղանությունը:

Տվյալներ են ձեռք բերվել, որ 32-ամյա երիտասարդը հայիոյել է եղբայրներից մեկին, ինչի մասին նա իմանալով եւ գտնվելով արտերկրում հրահանգել է Նոր Զանգեզուրում բնակվող 44-ամյա եղբորը վրեժխնդրության նպատակով հաշվեհարդար տեսնել երիտասարդի հետ:

44-ամյա տղամարդը մտադրությունն իրականացնելու նպատակով ձեռավորել է հանցավոր խումբ, որի անդամները, զինվելով ատրճանակներով եւ ինքնաձիգներով, Նոր Զանգեզուրում սկսել են որոնել 32-ամյա երիտասարդին:

Վերջինս մտերիմների հետ Նոր Զանգեզուր քաղաքում մեքենայով շրջելիս նկատել է 44-ամյա տղամարդուն եւ իր մոտ ապօրինի պահվող հրազենով կրակոցներ արձակել ու դիմել փախուստի: 44-ամյա տղամարդը խմբի անդամների հետ հետապնդել է 32-ամյա երիտասարդին, կանգնեցրել մեքենան, սակայն, չհայտնաբերելով նրան, զենքի սպառնալիքի ներքո ծեծի է ենթարկել երկու ընկերներին:

Պարզվել է նաեւ, որ 44-ամյա տղամարդն իր կողմնակիցների հետ սոցիալական հարթակներից մեկում ստեղծել է



խումբ՝ նպատակ ունենալով վերահսկել 32-ամյա տղամարդու շարժը եւ հարմար պահի տեսախցիկների ու մարդկանց բացակայության պայմաններում կյանքի գրկել նրան:

Կոտայքի մարզային քննչական վարչությունում նախաձեռնվել է քրեական վարույթ, որի շրջանակում դատարանի որոշմամբ խուզարկություններ են կատարվել 44-ամյա տղամարդու, հետապնդվող երիտասարդի եւ հանցավոր խմբի անդամների բնակարաններում:

Հանցավոր խմբի 3 անդամների բնակարաններից հայտնաբերվել են «Կա-

լաշիկովի» ինքնաձիգ իր պահեստատուփով, օդանշիչ հրացան, տարբեր տրամաչափի 86 փամփուշտներ, սվին դանակ:

Ձեռնարկված միջոցառումների արդյունքում միջադեպին մասնակից 9 անձ հայտնաբերվել, ձերբակալվել եւ ներկայացվել է վարույթն իրականացնող մարմին, ապա տեղափոխվել ձերբակալվածների պահման վայրեր: Ձեռնարկվում են միջոցառումներ հանցավոր խմբի մյուս անդամների հայտնաբերելու ուղղությամբ: Նախաքննությունը շարունակվում է:

ԲԱՅԱՅԱՅՏՈՒՄ

ԿՈՂՈՂՈՒՄԻ ՏԻ ԳԵՊՔԵՐ

Ապրիլի 30-ին Համայնքային ոստիկանության Շենգավիթի բաժին հաղորդում տված քաղաքացին հայտնել էր, որ գիշերը՝ ժամը 1-ին, Հրանտ Վարդանյան փողոցի հասցեներից մեկի մոտ անհայտ անձը բացահայտ հափշտակել է իր բջջային հեռախոսը՝ պատճառելով մոտ 200 հազար դրամի վնաս:

Նույն օրը հաղորդում էր ստացվել նաեւ Համայնքային ոստիկանության Էրեբունու բաժնում: Հաղորդում տված քաղաքացին հայտնել էր, որ գիշերը՝ ժամը 4.50-ի սահմաններում, Տիգրան Մեծի պողոտայի հասցեներից մեկի մոտ երկու երիտասարդ փորձել էին կողոպտել իրեն, սակայն հանդիպելով դիմադրության՝ հանցագործությունն ավարտին չէին հասցրել:

Համայնքային ոստիկանության Շենգավիթի բաժին կողոպտուի վերաբերյալ հաջորդ հաղորդումը ստացվել էր մայիսի 5-ին. 19-ամյա երիտասարդը հայտնել էր, որ ապրիլի 28-ին Գարեգին Նժդեհի փողոցի շենքերից մեկի մոտ երկու երիտասարդ բացահայտ հափշտակել են իր բջջային հեռախոսը՝ պատճառելով 100 հազար դրամի վնաս:

Շենգավիթի երեբունու համայնքային ոստիկանները համատեղ ձեռնարկած օպերատիվ-հետախուզական միջոցառումների արդյունքում պարզել են, որ նշված հանցագործությունները կատարել են Վերին Արտաշատ գյուղի բնակիչ 17 եւ 19 տարեկան երկու երիտասարդ: Նրանք մայիսի 5-ին հայտնաբերվել, ձերբակալվել եւ տեղափոխվել են Շենգավիթի բաժին:

Նախաձեռնվել է քրեական վարույթ: Երիտասարդները կալանավորվել եւ տեղափոխվել են քրեակատարողական հիմնարկ:

Նախաքննությունը շարունակվում է:

ՄԵԿ ԱՆՁ

ԿԱԼԱՆԱՎՈՐՎԵԼ Է

Վեդիում անչափահասներին առնչվող գործով մեկ անձի նկատմամբ որպես խափանման միջոց է ընտրվել կալանքը՝ երկու ամիս ժամկետով: Այս մասին հայտնում են ԶԿ-ից:

Հիշեցնենք՝ Արարատի մարզի Վեդի քաղաքում անչափահաս քույրերի վերաբերյալ հանրային լայն արձագանք ստացած դեպքով 2 անձ էր ձերբակալվել:

Ավելի վաղ Գլխավոր դատախազությունից հայտնել էին, որ քրեական հետապնդում է հարուցվել Ա. Ե.-ի նկատմամբ՝ Քրեական օրենսգրքի 198-րդ հոդվածի 2-րդ մասի 2-րդ եւ 4-րդ կետերով (խոցելի վիճակում գտնվող անչափահասի նկատմամբ սեքսուալ բնույթի բռնի գործողություններ կատարելը) եւ Դ. Ա.-ի նկատմամբ՝ Քրեական օրենսգրքի 198-րդ հոդվածի 2-րդ մասի 2-րդ եւ 4-րդ կետերով (3 դրվագ):

ՎԵՐԱԴՂՈՐԶՎԵՑ ՀԱՍԱՅՆՔԻՆ

Գլխավոր դատախազությունը 2025 թվականի մարտի 11-ին հայցադիմում էր ներկայացրել Հակառոտուցիոն դատարան՝ ընդդեմ ֆիզիկական անձի, երրորդ անձ՝ Տավուշի մարզի Իջևան համայնքի՝ Իջևանի Վարանի փողոց թիվ 1/30 հասցեում գտնվող՝ 0.04 հա մակերեսով հողամասի նկատմամբ ֆիզիկական անձի կառուցադրման իրավունքը դադարեցնելու դահանջով: Հողամասի՝ բուկայականին մոտարկված կադաստրային արժեքը 2 միլիոն 730 հազար դրամ է:



Հակակոռուպցիոն դատարանի՝ 2026 թվականի մարտի 16-ի վճռով բավարարվել է Գլխավոր դատախազության հայցը: Վճռով դադարեցվել է Վալանսի փողոց թիվ 1/30 հասցեում գտնվող հողամասի նկատմամբ ֆիզիկական անձի կառուցապատման իրավունքը:

Հակակոռուպցիոն դատարանի նշված վճիռը ստացել է օրինական ուժ:

Գլխավոր դատախազության դիմումի հիման վրա՝ Կարաստորի կոմիտեն 2026 թվականի մայիսի 5-ին դադարեցրել է հողամասի նկատմամբ ֆիզիկական անձի կառուցապատման իրավունքը. հողամասը վերադարձվել է Իջևան համայնքին:

Այսպիսով, մինչ այսօր Իջևան համայնքին են վերադարձվել Տավուշի մարզի Իջևան համայնքի քաղաքային զբոսայգու հետեւյալ գույքերը՝

1. Վալանսի փողոց թիվ 1/30 հասցեում գտնվող՝ 0.04 հա մակերեսով հողամասը,
2. Թատերական փողոց 18 հասցեում գտնվող՝ 19 թմ մակերեսով հողամասը,

3. Թատերական փողոցի 18/7 հասցեում գտնվող՝ 350.1 թմ մակերեսով հողամասը,

4. Թատերական փողոցի 18/5 հասցեում գտնվող՝ 19.8 թմ մակերեսով հողամասը,

5. Անկախության փողոց 1/55 հասցեում գտնվող՝ 436 թմ մակերեսով հողամասը,

6. Վալանսի փողոցի 1/29 հասցեում գտնվող՝ 0.06 հա մակերեսով հողամասը,

7. Անկախության փողոց 1/62 հասցեում գտնվող՝ 0.001 հա մակերեսով հողամասը,

8. Անկախության 1/54 հասցեում գտնվող՝ 436.8 թմ մակերեսով հողամասը,

9. Անկախության 1/41 հասցեում գտնվող՝ 1500 թմ մակերեսով հողամասը,

10. Թատերական փողոցի 18/6 հասցեում գտնվող՝ 0.03 հա մակերեսով հողամասը,

11. Վալանսի փողոցի 1/27 հասցեում գտնվող՝ 0.03 հա մակերեսով հողամասը,

12. Վալանսի փողոցի 1/28 հասցեում գտնվող՝ 351 թմ մակերեսով հողամասը,

13. Թատերական 18/3 հասցեում գտնվող՝ 18 թմ մակերեսով հողամասը:

14. Թատերական 18/2 հասցեում գտնվող՝ 12 թմ մակերեսով հողամասը:

Բացի այդ, դատախազական ներգործության արդյունքում՝ Իջևան համայնքի տիրապետման ու օգտագործման է վերադարձվել քաղաքային զբոսայգու շատրվաներին հարակից 0.03 հա մակերեսով հողամասը:

● Մայիսի 7-ից 8-ը Հայաստանի Հանրապետությունում բացահայտվել է ֆիզիկական ներգործության 6 դեպք:

ՀԱՍԱՐԱԿՈՒԹՅՈՒՆ

ՄԱՐԶ

ՆԱԽԸՆՏՐԱԿԱՆ ԲԱՐՈՉՉՈՒԹՅԱՆ ՄԵՋ

Վարչապետ Նիկոլ Փաշինյանը մայիսի 7-ին որոշումներ է ստորագրել, որոնք համաձայն մի շարք նախարարներ եւ մարզպետներ մայիսի 8-ից հունիսի 5-ն ընկած ժամանակահատվածում արձակուրդ են գնացել, որպեսզի մասնակցեն նախընտրական քարոզարշավին: Արձակուրդ մեկնածների մեջ է նաեւ Նիկոլ Փաշինյանի դասընկեր, նրա ամուսնույթյան քաղորդ, Փաշինյանի կողմից 2021թ. ապրիլի 8-ին Տավուշի մարզպետ Նշանակված Հայկ Ղալումյանը: Արձակուրդ է վերցրել նաեւ Իջեան համայնքի ղեկավար Արթուր Ճաղարյանը: Նա մայիսի 7-ին Ֆեյսբուքի իր էջում հայտարարություն է գետնել, ուր մասնավորապես նշված է. «Վաղվանից արձակուրդում եմ լինելու, սակայն այդ օրերն ինձ համար լինելու են ոչ թե հանգստի, այլ՝ պատասխանատվության ու նվիրումի օրեր: Ամբողջ ներուժով ներգրավվելու եմ Ազգային ժողովի ընտրությունների նախընտրական քարոզարշավին՝ աջակցելով իմ քաղաքական թիմին՝ «Քաղաքացիական պայմանագիր» կուսակցությանը՝ հանուն մեր երկրի խաղաղ, անվտանգ եւ արժանապատիվ ապագայի»: Ա. Ճաղարյանը 2015-2021թթ. Իջեանի համայնքապետարանում աշխատել է որպես համայնքի ղեկավարի տեղակալ, 2021թ. ապրիլի 8-ին վարչապետի որոշմամբ նշանակվել Իջեան համայնքի ղեկավարի պաշտոնակատար: Ա. Ճաղարյանը 2021թ. նոյեմբերի 14-ին կայացած Իջեան համայնքի ավագանու ընտրությունների արդյունքներով ձեռնադրված ավագանու կողմից ընտրվել է համայնքի ղեկավար: Այս տարվա աշնանը Իջեան խոշոր համայնքում նախատեսված են համայնքի ավագանու հերթական ընտրություններ:

ԳԻՄԵԼ Է ՓԱՇԻՆՅԱՆԻՆ

Գրող, լրագրող, խմբագիր, 53 տարի Իջեանի քուլտուրայի դասախոս աշխատող Զավեն Ալավերդյանը համացանցում բաց նամակով դիմել է վարչապետ Նիկոլ Փաշինյանին, որով հայտնել է դատերի ընթացքում քուլտուրայի ոլորտը բանալիով փակելու խնդրի մասին իր բարձրաձայնելու հետեւանքով ստացած նկատողության մասին: Զ. Ալավերդյանը հայտնել է. «Ձեզ գրում է կես դարից ավելի կրթության ոլորտում աշխատած անձ: Վերջերս Տավուշի Պ. Տեվեճեան տարածաշրջանային քուլտուրայի հիմնադրամի էլքերը դասերի ընթացքում կողպվում են, շուրջ 350 ուսանողների եւ 80 աշխատակիցների կյանքի եւ առողջության համար ստեղծելով վտանգավոր իրավիճակներ՝ հնարավոր երկրաշարժերի, հրդեհների եւ այլնի դեպքում, կոպտորեն խախտելով համապատասխան կանոնները: Այդ առիթով հրապարակում ունեցա իմ ֆեյսբուքյան էջում մտահոգությունս պատկան մարմիններին հարողորդելու համար: Եւ օ՛գարմանը, քուլտուրայի տնօրենի պաշտոնակատար Մարգարիտ Պողոսյանի ձեռնամբ մտահոգությանս համար ինձ նկատողություն տրվեց: Համոզված եմ, որ տնօրենի պաշտոնակատար Մարգարիտ Պողոսյանը կատանա իր արժանի պատիժը. անկախ այն բանից, թե որ պաշտոնյան է կանգնած նրա թիկունքին, եւ ԿԳՄՍ նախարարը կվերացնի իմ հանիրավի ստացած նկատողությունը»:

ՈՍԿԱՆ ՍԱՐԳՅԱՆ

ՇՈՒՇԻ

ՄԱՅԻՍԻ 8-Ը ՇՈՒՇԻ ԱԶԱՏԱԳՐՄԱՆ ՕՐՆ Է

Մայիսի 8-ին Արցախի դաճաճությունը բանակը եւ կամավորական ջոկատներն ազատագրեցին Շուշին:

Շուշիի ազատագրումը հայկական ռազմական ուժերի առաջին նշանակալից հաղթանակն էր Արցախյան ազատամարտում: Ռազմական գործողությունն անցկացվեց 1992 թ. մայիսի 8-9-ին: Մշակման եւ իրականացման առումով գրեթե անթերի, հայ ռազմարվեստի մեջ եզակի ռազմական գործողություն, որով արմատական բեկում առաջացավ Արցախյան ազատագրական պատերազմում: Գործողությունն իրականացվեց 4 ուղղություններով՝ միաժամանակյա հարձակումներով՝ մայիսի լույս 8-ի գիշերը՝ ժամը 2.30-ին, Քիրսի ռազմական դիրքերը գրավելուց եւ Լաչին-Շուշի ճանապարհը հսկողության տակ վերցնելուց հետո: Ռազմական գործողությունը ղեկավարում էր Ինքնապաշտպանության ուժերի հրամանատար Արկադի Տեր-Թադեոսյանը:

Շուշիի ազատագրման օպերատիվ պլանը մշակվել էր հենց նրա գլխավորությամբ, ինչին զինվորականները ձեռնամուխ եղան Խոջալուն ազատագրելուց անմիջապես հետո: Պլանը կազմվել էր մարտ-ապրիլ ամիսներին՝ հետախուզական խմբերի կողմից հակառակորդի ուժերի տեղակայումը, դիրքերն ու քանակական տվյալները ճշգրտելուց հետո: Հարձակման ճակատային գիծը շուրջ 25 կմ էր: Հակառակորդը հայկական կողմին գերազանցում էր կենդանի ուժով եւ սպառազինությամբ: Ապրիլի 28-ին արդեն վերջնականապես որոշվել, ճշգրտվել էին հարձակման գլխավոր ուղղությունները, հրամանատարները, առկա զենք ու զինամթերքի քանակը: Լ. Մարտիրոսովի հանձնարարությամբ, պատրաստվել էր Շուշիի տեղանքի մանրակերտը, որի վրա հրամանատարները ճշգրտել էին իրենց գործողություններն ու ընթացիկ ուղղությունները:

Ռազմագործողությունը ղեկավարում էին Շոշից հյուսիս գտնվող բարձունքի վրա տեղակայված եւ 4 այլ հրամանա-



տարական դիտակետերից: Հարձակումը նախատեսված էր սկսել դեռեւս մայիսի 4-ին, բայց տարբեր պատճառներով (սպառազինության պակաս, վատ եղանակ եւ այլն) հետաձգվել էր: ԻՊՈՒ-ի շուրջ 1200 մարտիկներից բաղկացած 4 հարձակողական եւ 1 պահեստագործային խմբերը մայիսի 8-ի գիշերը միաժամանակ անցան հարձակման: Ռազմական գործողության ելքը կանխորոշվել էր արդեն իսկ մայիսի 8-ին, երբ Լաչինի եւ մյուս ուղղությունների ստորաբաժանումները նպաստավոր բնագծեր էին գրավել Շուշիի մատուցներում: Մայիսի 8-ի երեկոյան կողմ տրված դադարը հակառակորդին հնարավորություն էր ընձե-

ռել հատկացված միջանցքով հեռանալ բերդաքաղաքից: Կեսօրին մոտ հարձակման անցան հակառակորդի 1 ռազմական ինքնաթիռ եւ ուղղաթիռներ, որոնք ռմբակոծում էին հայկական ուժերի մարտաշարքերը, ինչպես նաեւ Շուշին ու Ստեփանակերտը: Ավելի ուշ պարզվեց, որ այդ օդային հարձակման նպատակը Շուշիում թողնված զինապահեստները պայթեցնելն էր, դրանով աղբբեջանցիները հույս ունեին կործանել ամբողջ քաղաքը, ինչը նրանց չհաջողվեց: Երեկոյան կողմ հիմնականում ավարտվեց Շուշիի ազատագրման գործողությունը: Մայիսի 9-ին հինավուրց հայկական բերդաքաղաքն ազատագրված էր:

ՆՈՐ ԿԱՆՈՆՆԵՐ

Իրանը նոր դաճաճներ է ցերեպայգրել Հորմուզի նեղուցով անցնող նավերի համար՝ փորձելով դաճաճականացնել վերահսկողությունը ալիսարհի ամենակարեւոր ծովային ուղիներից մեկի նկատմամբ: Այս մասին հայտնում է CNN-ը՝ հղում անելով իր սրամադրության ձայն հայտնված փաստաթղթերին:

Թեհրանը ստեղծել է նոր կառույց՝ Persian Gulf Strait Authority (PGSA), որը նավերից պահանջում է նախապես լրացնել հատուկ հայտ՝ նեղուցով անվտանգ անցում ստանալու համար: Փաստաթուղթը, որը կոչվում է «Vessel Information Declaration», ներառում է ավելի քան 40 հարց՝ նավի, սեփականատերերի, անձնակազմի եւ բեռի վերաբերյալ:

Ըստ նոր կարգի՝ նավերը պետք է նախապես էլեկտրոնային փոստով ուղարկեն պահանջվող տեղեկությունները, հակառակ դեպքում կարող են բախվել հարձակման կամ անցման արգելքի վտանգին:

Մինչ ԱՄՆ-ի եւ Իսրայելի ռազմական գործողությունների մեկնարկը Իրանի դեմ փետրվարի վերջին, Հորմուզի նեղուցը բաց էր բոլոր երկրների նավերի համար: Սակայն պատերազմի սկսվելուց հետո Իրանը հայտարարել էր, որ առանց Իսլամական հեղափոխության պահապանների կորպուսի ռազմածովային ուժերի թույլտվության նեղուցով անցնող նավերը կարող են թիրախավորվել:

CNN-ի տվյալներով՝ մի շարք նավեր արդեն ենթարկվել են հարձակումների, ինչի հետեւանքով բազմաթիվ նավատերեր հրաժարվում են առանց Իրանի համաձայնության օգտվել այդ երթուղուց:

Հորմուզի նեղուցով անցնում է աշխարհի նավթի եւ հեղուկացված բնական գազի մոտ մեկ հինգերորդը, եւ փորձագետները նշում են, որ Իրանի վերահսկողությունը կարող է լուրջ ազդեցություն ունենալ համաշխարհային տնտեսության վրա:

Իրանի գերագույն առաջնորդ Մոջթաբա խամենեին Telegram-ում հրապարակ-

ված ուղերձում հայտարարել է, որ ցանկանում է ձեւավորել «նոր տարածաշրջանային եւ գլոբալ կարգ՝ ուժեղ Իրանի ռազմավարությամբ»: Նա նշել է, որ Հորմուզի նեղուցի փակումը կարող է դառնալ այդ ռազմավարության գործիքներից մեկը:

Միաժամանակ հարողորդվում է, որ Իրանը կարող է մինչեւ 2 միլիոն դոլար վճար պահանջել յուրաքանչյուր նավից՝ անվտանգ անցման համար: ԱՄՆ ֆինանսների նախարարությունն արդեն հայտարարել է, որ նման վճարումները չեն թույլատրվելու ամերիկյան ընկերությունների եւ քաղաքացիների համար:

Շովային վերլուծաբանների գնահատմամբ՝ թեթ Իրանը երկարաժամկետ վերահսկողություն հաստատի նեղուցի նկատմամբ, ապա նավերի անցումը կարող է կազմել մինչապատերազմյան մակարդակի ընդամենը 40-50 տոկոսը, ինչը կշարունակի ճնշում գործադրել համաշխարհային նավթի եւ գազի շուկաների վրա:

ՄԻ ԿԱՐԴԱՆՅԱՆ

● Անցած 1 օրում գրանցվել է 9 ավտովթար. 9 մարդ ստացել է տարբեր աստիճանի մարմնական վնասվածքներ:

ԸՆԴՀԱՅՆՈՒՄ ԵՆ ԱՋԱԿՅՈՒԹՅՈՒՆԸ

ԵՆԲ խումբը (ԵՆԲ եւ ԵՆՀ) կհամադրի մասնակի դորսֆելային երաշխիք՝ ադառնով մինչեւ 106.25 միլիոն եվրոյի նոր ֆինանսավորման հնարավորություն ՓՄՁ-ների համար: Այն կավելանա 900 փոքր բիզնես՝ նպաստելով ավելի քան 5000 աշխատատեղերի դառնալու: Երաշխիքը ադառնովված է Եվրոպական միության կողմից՝ «ԵՄ-ն բիզնեսի համար» (EU4Business) երաշխիքային գործիքի օգնությամբ: Մա ԵՆԲ խմբի երկրորդ ուղղակի գործարքն է Ամերիաբանկի հետ:



ված են կայուն տնտեսական զարգացման խթանմանը, մրցունակության բարձրացմանը եւ Հայաստանում նորարարությանը աջակցելուն:

Հայաստանում ԵՄ դեսպան Վասիլիս Մարագոսը նշեց. «Փոքր բիզնեսին աջակցելը նշանակում է աջակցություն աշխատատեղերի ստեղծմանը, նորարարությանը եւ երկարաժամկետ կայունությանը: Ամերիաբանկի եւ ԵՆԲ խմբի այս գործընկերության միջոցով մենք օգնում ենք հայկական ընկերություններին, որպեսզի վերջիններս հասանելիություն ստանան առաջ շարժվելու, զարգանալու եւ նոր շուկաներ գտնելու համար անհրաժեշտ ֆինանսական միջոցներին: Այսօր ստորագրված երաշխիքային համաձայնագիրը վերջերս ընդունված՝ ԵՄ-Հայաստան գործընկերության ռազմավարական օրակարգի ներքո մեր քաղաքական եւ տնտեսական համագործակցությունն ընդլայնելու իրական օրինակ է: Ռազմավարական օրակարգը վերահաստատում է Եվրոպական միության հանձնառությունը՝ աջակցելու Հայաստանին հասարակության կայունությունը եւ տնտեսական մրցունակությունն ամրապնդելու հարցում երկու գործու, որոնք անբաժանելի են մասնավոր ներդրումների եւ նոր աշխատատեղերի ստեղծման գործընթացներին»:

Ամերիաբանկի ֆինանսական գծով տնօրեն Յոզեֆ Թորոյանը եզրափակեց. «Փոքր բիզնեսին աջակցությունը ռազմավարական ուղղություն է Ամերիաբանկի համար: Այս համագործակցությունը մեզ թույլ է տալիս ձեռք մեկնել ավելի շատ բիզնեսների, որոնք պատրաստ են աճել, բայց ճիշտ ֆինանսական աջակցության կարիքն ունեն: Ընդլայնելով ֆինանսավորման հասանելիությունը՝ մենք կշարունակենք օգնել ձեռնարկատերերին կյանքի կոչել իրենց ծրագրերը, խթանել իրենց գործունեությունը եւ, ամենակարեւորը, ավելի ակտիվ ներդրում ունենալ Հայաստանի տնտեսության զարգացման մեջ: Մեր գործընկերությունն ուղղված է ամենակարեւոր ոլորտում առաջընթաց ապահովելուն»:

Ընդհանուր տեղեկատվություն ԵՆԲ խումբ

Եվրոպական ներդրումային բանկի (ԵՆԲ) խումբը Եվրոպական միության ֆինանսավորման ճյուղն է, որը պատկանում է 27 անդամ պետություններին՝ հանդիսանալով աշխարհի խոշորագույն բազմակողմ զարգացման բանկերից մեկը: 2025 թվականին ԵՆԲ խումբը ստորագրել է 100 միլիարդ եվրոյի նոր ֆինանսավորման եւ խորհրդատվական ծառայությունների համաձայնագրեր բարձր ազդեցության ավելի քան 870 նախագծերի համար՝ ԵՄ քաղաքականության նպատակների իրագործմանը նպաստող ութ հիմնական առաջնա-

հերթ ուղղությունների ներքո՝ կլիմային վերաբերող գործողություններ եւ շրջակա միջավայր, թվայնացում եւ տեխնոլոգիական նորարարություն, անվտանգություն եւ պաշտպանություն, տարածքային համախմբվածություն, գյուղատնտեսություն եւ կենսատնտեսություն, սոցիալական ենթակառուցվածքներ, ամուր համաշխարհային գործընկերություններ, խնայողությունների եւ ներդրումների միություն: Ի լրումն խոշոր ենթակառուցվածքների համար նախատեսված երկարաժամկետ վարկերի, ԵՆԲ խումբը ներգրավում է մասնավոր ներդրումներ բարձր ռիսկային նորարարական նախագծերի եւ բիզնեսների համար՝ ավելի ու ավելի կարեւոր դեր խաղալով վենչուրային պարտքի, վենչուրային կապիտալի, երաշխիքների եւ արժեթղթերի եվրոպական շուկաներում:

Եվրոպական ներդրումային հիմնադրամը (ԵՆՀ) ԵՆԲ խմբի դուստր ձեռնարկությունն է, որը մասնագիտանում է երաշխիքների եւ կապիտալի տրամադրման մեջ՝ Եվրոպայում փոքր եւ միջին ձեռնարկությունների ու ստարտափների համար ֆինանսավորման հասանելիությունը բարձրացնելու համար: Հանդես գալով որպես «խարիսխային» ներդրող՝ ԵՆՀ-ն մոբիլիզացնում է մասնավոր ներդրումները գործընկեր բանկերի եւ ներդրումային ֆոնդերի իր լայն ցանցի միջոցով եւ զարգացնում վենչուրային կապիտալի ֆոնդերի էկոհամակարգը՝ Եվրոպայի նորարար ձեռնարկատերերին աջակցելու համար:

2023 թվականին ԵՆՀ-ն վեց անգամ պետությունների (Ֆրանսիա, Գերմանիա, Իտալիա, Իսպանիա, Բելգիա եւ Նիդերլանդներ) հետ համատեղ մեկնարկեց «Եվրոպական տեխնոլոգիական չեմպիոնների նախաձեռնությունը» (European Tech Champions Initiative), որը նորարարական ստարտափների ընդլայնման համար նախատեսված հիմնադրամների հիմնադրամ է: Մինչ օրս այդ նախաձեռնությունն արդեն հնարավոր է դարձրել Եվրոպական վենչուրային կապիտալի 14 մեգահիմնադրամի ստեղծումը եւ 43 ընկերության ընդլայնումը, ներառյալ 11 «միաեղջյուր» ընկերություն (ավելի քան 1 միլիարդ եվրո կապիտալով):

ԵՆԲ խմբի ներկայացուցիչների եւ գլխամասային գրասենյակի լուսանկարները, լոգոտիպի ֆայլերը եւ լրատվամիջոցների համար նախատեսված լրացուցիչ տեսանյութերը հասանելի են այստեղ:

«Ամերիաբանկ» ՓԲԸ

Ամերիաբանկը ֆինանսական եւ տեխնոլոգիական առաջատար հաստատություն է, ՀՀ տնտեսական ոլորտի նշանակալի դերակատարներից մեկը: Թվային փոխակերպման ռազմավարության ներքո բանկը շարունակաբար ներդրում է կատարելագործում է նորարարական պրոդուկտներ, ծառայություններ եւ հարթակներ, որոնք միտված են բավարարելու մարդկանց ֆինանսական եւ ոչ ֆինանսական կարիքները: Ամերիաբանկը, որպես դինամիկ զարգացող ֆինթեք միջավայր, առաջարկում է կյանքի որակը բարելավող ամբողջական լուծումներ:

Բանկը վերահսկվում է ՀՀ կենտրոնական բանկի կողմից

ՄԱՄՆԱԿԻՑՆԵՐԸ ՀԱՅՏՆԻ ԵՆ

Անգլիական «Ասթոն Վիլա»-ն ու գերմանական «Ֆրայբուրգ»-ը դուրս են եկել Եվրոպա Լիգայի եզրափակիչ:

Կիսաեզրափակչում «Ասթոն Վիլա»-ն մրցել է մեկ այլ անգլիական ակումբի՝ «Նորթինգհեմ Ֆորեստ»-ի հետ ու 2 դիմակայությունների արդյունքում հաղթել 4:1 հաշվով: «Ֆրայբուրգ»-ն էլ 4:3 հաշվով գերազանցել է պորտուգալական «Բրագա»-ին:

Եվրոպայի Լիգայի եզրափակիչը կայանալու է մայիսի 20-ին Ստամբուլի «Բեշիկթաշ» մարզադաշտում:

Մայիսի 27-ին Գերմանիայի Լայպցիգ քաղաքի «Ռեդ Բուլ Արենա»-ում Կոնֆերենցիայի Լիգայի եզրափակչում էլ կմրցեն «Քրիստալ Փելաս»-ն ու «Ռայտ Վալեյանտ»-ն:

ՊԱՇՏՊԱՆՆԵՐԻ ՄՂԶԱՎԱՆՋԸ



Ֆրանսիայի հավաքականի, «Արսենալի», «Մոնակոյի» եւ «Բարսելոնայի» նախկին հարձակվող Ռիեդի Անրիկոն բարձր է գնահատել Ֆրանսիայի չեմպիոն եւ Չեմպիոնների լիգայի գավաթակիր ՊՍՉ-ի եզրային հարձակվողներ Ռուսման Դեմբելի եւ Խվիչա Կվարացիելիայի որակները:

«Դեմբելեն ու Կվարացիելիան պաշտպանների մղձավանջն են: Նրանք տարբեր միջոցներով ոչնչացնում են մրցակցի պաշտպանությունը: Մենք դա տեսնեք նաեւ «Բավարիայի» դեմ պատասխան խաղում:

Կվարացիելիան խլեց գնդակը, նետվեց առաջ եւ կատարյալ փոխանցում կատարեց Դեմբելեին, որը մրցակցի դարպասը գրավեց արդեն երրորդ րոպեին: Արագ գոլը գործնականում վճռեց արդյունքը: Խվիչան ու Դեմբելեն հրաշալի են իրար հասկանում: Մեկը շեղում է պաշտպաններին, մյուսն օգտագործում է ազատ տարածությունը. անհավանական տեսարան է: Խվիչան իր դրիբլինգով եւ խաղադաշտը տեսնելու ունակությամբ քառս է տարածում, իսկ Դեմբելեն սառնասրտորեն օգտագործում է հնարավորությունը»,- Անրիկոն խոսքը մեջբերում է L'Equipe-ը:

«Բավարիա» - ՊՍՉ պատասխան հանդիպումն ավարտվել է 1:1 հաշվով: Փարիզյան թիմը եզրափակիչ է դուրս եկել տանը տարած 5:4 հաշվով հաղթանակի շնորհիվ:

Մայիսի 30-ին Բուդապեշտում անցկացվելիք եզրափակիչում ՊՍՉ-ի մրցակիցը կլինի Անգլիայի փոխչեմպիոն եւ Պրեմիեր լիգայի ընթացիկ առաջատար Լոնդոնի «Արսենալը», որը կիսաեզրափակիչում պայքարից դուրս էր թողել Մադրիդի «Աթլետիկոյին» (1:1, 1:0):

● **Խամաճիկների պետական թատրոնում մայիսի 10-ին՝ ժամը 15:00-ին, կկայանա «Գեղեցկուհին եւ հրեշը» ներկայացումը:**



ԿԱՐԳ

ՀԱՐՑ. Ի՞նչ հիմքերով է ֆաղաֆաղին ազատվում դառադիր ժամկետային զինվորական ծառայությունից: **Վազգեն Գասպարյան, 54 տարեկան**



ՊԱՏԱՍԽԱՆ. Շարքային կազմի պարտադիր զինվորական ծառայությունից ազատվում է այն քաղաքացին, որը՝

- 1) առողջական վիճակի պատճառով ճանաչվել է ոչ պիտանի զինվորական ծառայության համար.
- 2) մինչև Հայաստանի Հանրապետության քաղաքացիություն ընդունելը ոչ պակաս, քան 12 ամիս ծառայել է այլ պետության զինված ուժերում կամ այլ պետությունում ոչ պակաս, քան 18 ամիս անցել է այլընտրանքային ծառայություն.
- 3) ընտանիքի միակ արու զավակն է և ունի Հայաստանի Հանրապետության պաշտպանության մարտական գործողությունների կամ զինված ուժերում կամ այլ զորքերում կամ Հայաստանի Հանրապետության միջազգային պայմանագրերով Հայաստանի Հանրապետությունում տեղակայված օտարերկրյա պետությունների զինվորական ստորաբաժանումներում զինվորական ծառայության ընթացքում զոհված (մահացած) ծնող կամ եղբայր կամ քույր:
- 4) շարքային կազմի պարտադիր զինվորական ծառայությունից քաղաքացին ազատվում է նաեւ «Զինվորական ծառայության եւ զինծառայողի կարգավիճակի մասին» ՀՀ օրենքի 23-րդ հոդվածի 2-րդ եւ 3-րդ մասերով ու 24-րդ հոդվածի 5-րդ մասով սահմանված դեպքերում

ՀՀ պաշտպանության նախարարություն

ՀԱՍԱՐԱԿՈՒԹՅՈՒՆ

ՀԱՐՑ. Ի՞նչպե՞ս է կասարվում եկամտահարկի վերադարձը եւ արդյո՞ք կարող է ուսանալ: **Գասպար Այվազյան, 55 տարեկան**



ՊԱՏԱՍԽԱՆ. Վարկառուին /համավարկառուների/ եկամտային հարկի վերադարձը գանձապետարանը իրականացնում է ՀՀ պետական եկամտուների կոմիտեից ուղեկցող գրությունը, որով ներկայացվում է վճարման հանձնարարականը, ստանալուց հետո երեք աշխատանքային օրվա ընթացքում: Հարկ ենք համարում նշել, որ հիմնականում վերադարձն իրականացվում է վերոնշյալ գրությունը գանձապետարան մուտքագրման օրը, կամ հաջորդ աշխատանքային օրը՝ պայմանավորված այն հանգամանքով, որ գրությունը ստացվել է բանկային օրվա ավարտից հետո:

ՀՀ ֆինանսների նախարարություն

ԼՈՒՐ ԿԱԴՐ

Լուսանկարը՝ shamshyan.com-ի



Խոշոր հրդեհ Երեւանում. հրշեջները, մարելով կրակը, տանը հայտնաբերել են ազգությամբ հնդիկ տղայի կիսամիսնաբացած մարմինը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել՝



«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդիդատանք ձեր բարձրագույն բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+2 + 5 +14 + 18
☀	Կոտայքի լեռներ	+2 + 5 +14 + 17
☀	Կոտայքի նախալեռներ	+6 + 9 +16 + 19
☀	Գեղարքունիք	+1 + 5 +11 + 15
☀	Լոռի	+3 + 6 +16 + 20
☀	Տավուշ	+4 + 7 +17 + 20
☀	Արագածոտնի լեռներ	+1 + 4 +10 + 13
☀	Արագածոտնի նախալեռներ	+5 + 10 +15 + 20

☀	Արարատ	+8 + 10 +19 + 21
☀	Արմավիր	+8 + 10 +21 + 24
☀	Վայոց ձորի լեռներ	0 + 3 +10 + 14
☀	Վայոց ձորի նախալեռներ	+8 + 12 +20 + 23
☀	Սյունիքի լեռներ	0 + 3 +7 + 10
☀	Սյունիքի նախալեռներ	+4 + 7 +13 + 16
☀	Սյունիքի հովիտներ	+11 + 14 +20 + 23
☀	Երեւան	+9 + 11 +20 + 22

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Արշակունյաց 22^ա/3, հեռ՝ 010 54-64-23
 Պետական գրանցման վկայականի համարը՝ 03U089086
 տրված է 24.11.2010
 Ստորագրված է տպագրության 08.05.2026
 Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: